

HE MŌHIOTANGA MĀ NGĀ WHĀNAU / NGĀ HOA

Tirohanga ki te Toto Tikitū i roto i ngā Kohuki Aroākapa i Aotearoa (SWiFT Aotearoa: He Whakamātautau Āheinga Tipako Matapōkere i āta Whakahaeretia e Aromatawai ana i ngā Toto Tikitū Mōtepe-Nui ina whakatairitea ki te Toto Tikitū Mōtepe-Iiti i mua i te taenga ki te Hōhipera i ngā Ikura Kohuki

Taitara Poto: SWiFT Aotearoa

Kairangahau Matua: Tākuta Richard Charlewood & Tākuta Alana Harper
Pae Tūroro: Northern Rescue Helicopter
Kaitautoko: Te Ratonga Toto o Aotearoa

E mihi ana ki a koe mōu i whakawātea i a koe mō te Rangahau o **SWiFT Aotearoa**.

E mōhio ana mātou i tēnei wā e pokea ana koe e te tini o ngā whakaaro, ā, he nui ngā kōrero e tukua atu ana ki a koe. Kei ngā mōhiotanga e whai ake nei ngā whakamārama mō te rangahau, ā, he pai noa tō āta pānui mārire ā taihoa.

Tēnā tukua mai ngā pātai, nā te mea, he tika kia mōhio koe he aha kei te haere, ā, me whakauru tuhipoka ki tēnei pukapuka hei whakamahara i a koe kia pātai koe i ētahi pātai ka ara ake i muri. Kia oti tēnei whārangi mōhiotanga te pānui, tēnā āta whakaaro mō ngā mea e hiahia ana tō whanaunga tata / hoa kia mahia mō ngā āhuatanga pēnei.

Mō te aha te rangahau, he aha ngā āhuatanga o roto: Te take i whakaarotia ai tō hoa/mema whānau ka whai wāhi mō te Rangahau SWiFT Aotearoa, nā te mea i tino whara te tinana, ā, he nui ngā toto i heke.

He mea hira ngā toto hei kawē i te hāora me ngā taioira i roto i te tinana, me te muru kē i ngā mea kāore i te hiahiatia. I whakaae ngā tākuta i mua i te hōhipera, ngā manapou ohotata hoki, he tika kia whāngaia koe ki te toto i mua i te taenga ki te hōhipera.

E tiro ana te rangahau **SWiFT Aotearoa ki ētahi momo whāngainga toto e rua rerekē, e whiwhi ai ngā tūroro i te “taurimatanga whakarite” rānei, i te “taurimatanga tūhura” rānei.** Ka tukua matakerepōtia ngā taurimatanga ki ngā tūroro.

Ko te **taurimatanga whakarite nei te taumata paerewa ka tukua ki ngā tūroro toto o Aotearoa ina tukua he whāngainga toto, arā, he toto tikitū he iti ngā mōtepe.** He pūtau toto whero me te wētoto tēnei. Ko te **taurimatanga tūhura** te toto taurimatanga paerewa, me te tāpiri mai i ngā mōtepe, ka kīa tēnei he toto tikitū he nui ngā mōtepe. Hei āwhina ngā mōtepe i te whakatepe toto, ā, i te nuinga o te wā ka tukua i te hōhipera. I pēnei ai i te mea he uua te kawē mōtepe i te waka whakatopa kawē tūroro. Ko ngā toto tikitū he nui ngā mōtepe te paerewa taurimatanga i ngā whenua pēnei i Te Hononga o Amerika.

Tērā pea mā te whāngainga toto pūtau whero, me te wētoto, me ngā mōtepe i te wā kotahi ka piki ake pea te pai o ngā putanga mō te tūroro me te hokinga mai o te tūroro ki te ora. Mā ngā mōtepe nei ka piki ake ngā mahi whakatepe, ka heke hoki te maha me te rahi o ngā whāngainga toto tāpiri. Ahakoa tēnei, kāore tēnei i te tino mōhiotia.

E whai ana te rangahau kia mōhio ko tēhea o ngā momo whāngainga toto te mea pai ake (mehemea kāore he rerekētanga rānei o tētahi i tētahi) e whiwhi ai ētahi tāngata nui kē atu i te taurimatanga pai rawa ā ngā rā e tū mai nei.

I muri i te whāngainga toto, e mea ana mātou ki te whai i tō hoa / whanaunga tata mō te 90 rā. Ka kitea ia e mātou i a ia i te hōhipera me te tiro ki ōna tuhipoka tākuta i ētahi wā motuhake i roto i aua rā 90, kia kitea ai he pēhea te haere. Kāore mātou e inoi ki a ia kia mahia ētahi atu mea mō te whāinga i muri nei, ko ngā mōhiotanga noa iho mō ēnei āhuatanga mō te nuinga.

He mea taketake i te ao rangahau, nā reira mō te nuinga ka inoi mātou ki tētahi tangata kia tuku whakaaetanga kia whai wāhi ki te rangahau. Ka whakamāramatia e mātou te rangahau, he aha i mahia ai e mātou, ngā painga, me he tūraru, he aha, me te noho o te mana piri mai ki te rangahau ki te tangata tonu. E mōhio ana mātou mō ngā tūraro kua tino taumaha te wharanga, he kaha hoki te hūtoto, e kore pea e taea te tuku whakaaetanga i runga i te mōhio. Nā runga i tēnei, kua tonu mātou ki te komiti Matatika mō Te Hauora me te Ngoikoretanga o Aotearoa kia uru ngā tūraro ki tēnei whakamātautau me he mea "He Pai mō te Hauora" o te tūraro.

Te tikanga o tēnei, ka noho te whakatau mō te whakauru i tō hoa / whanaunga tata ki tēnei rangahau e te tākuta taurima me te manapou ohotata, i runga anō i te aro ki ngā hiahia e mōhiotia ana o te tūraro, ngā ritenga o te rangahau, ā, mehemea ka tika te kī, ko te urunga ki tēnei whakamātautau "He Pai mō te Hauora" o te tūraro.

Ka tino whakapau kaha te tākuta taurima me te manapou ohotata ki te kōrero ki ngā hoa me ngā whānau kia mōhio ai mātou he aha ngā whakaaro o te whānau/ngā hoa mō te rangahau, he aha hoki ngā whakaaro o te whānau/ngā hoa mō ngā mea ka hiahiatia pea e te tūraro. Ahakoa tērā, i ētahi wā, e kore tēnei e taea i mua i tā mātou tuku i te whāngainga toto. Mō ēnei āhuatanga, kei te tuhi mātou kāore he whakawhiti kōrero i ara ake, ā, ka kōrero wawe mātou mō tēnei ki a koe.

Ki te whakaae te tākuta taurima me te manapou ohotata ka tika te kī, ko te urunga ki tēnei whakamātautau He Pai mō te Hauora o te tūraro, ka tuhia ki te "Tauākī mō Te Pai mō te Hauora." Ka tuhia hoki tēnei whakaaetanga, me ō whakaaro, mehemea e wātea ana, ki ngā tuhinga taurimatanga o te tūraro. Ki te whakaaro te tākuta taurima/te manapou ohotata hoki rānei, ki te whakaaro koe hoki/rānei ehara tēnei i te mahi tika mō tēnei wā, e kore mātou e whakauru i te tūraro ki te rangahau, ā, ka whai i te taurimatanga paerewa, o te nuinga o te wā. Kia taea e te tūraro āna anō mōhiotanga te whakahaere, ka inoi mātou kia whakaae ia kia haere tonu ngā mahi o muri.

E mihi ana mātou ki a koe mōu i whai wāhi mai ki te kōrero mai ki a mātou, e mōhio ana mātou he wā uaua tēnei.

Kua whiwhi kē tēnei rangahau i ngā whakaaetanga matatika mai i te Northern A New Zealand Health and Disability Ethics Committee.

Tēnā whakamahia te wāhi wātea o te whārangi i raro iho nei ki te tuhi i ngā pātai katoa tēnā pea ka toko ake.

Mā tētahi whanaunga tata / hoa tēnei wāhanga e whakakī:

E mārama ana au **KĀHORE** au i te tuku whakaaetanga mō taku whanaunga tata / hoa kia whai wāhi ki te rangahau o SWiFT Aotearoa, ā, kua tonono iho te tira tākuta kia āwhina au kia mōhio ki ngā hiahia o (ingoa tūrora) _____.

Ki tāku e mōhio nei, e whakapono ana au (**kua whakaae** te tūrora / **kua kore e whakaae** / **aua**, kia whai wāhi ki te rangahau o SWiFT Aotearoa, me i kaha ki te whai wāhi ki te tukanga whakatau take mōna anō.

Ingoa whanaunga tata / hoa: _____

Te whanaungatanga: _____

Hainatanga: _____ Te Rā: _____

(dd/mm/YYYY)

Mā te kairangahau tēnei wāhanga e whakakī:

Kua whakamāramatia ā-wahatia ngā āhuatanga o te rangahau o SWiFT Aotearoa ki te whānaunga tata / hoa o te tūrora) _____, ā, kua ea i ahau ngā pātai mō te rangahau.

Ingoa o te kaitūhura: _____

Hainatanga _____ Te Rā: _____ Te Wā: _____

(dd/mm/yy)

(hh:mm)

_____ **Ingoa kaiwhakamāori**

_____ **Hainatanga**

_____ **Te Rā**